

An illustration of a bright yellow sun rising behind a horizon, with rays of light extending upwards. In the foreground, there are dark grey silhouettes of people, including a central figure that appears to be a person with their arms raised, possibly in prayer or praise. The background is a gradient of yellow and white.

UPAT KA BUTANG NGA KINAHANGLAN

**UPAT (4) KA MGA DAGKU UG
MAHINUNGDANUNG BUTANG
NGA GIKINAHANGLAN SA DIOS
NGA IMONG MAHIBAW -- AN.**

Ikaw usa ka dakong makasasala. Ug si Jesus miingon kaniya, Higugmaa ang Ginoo nga imong Dios sa tibuok mong kasingkasing, ug sa tibuok mong kalag, ug sa tibuok mong salabutan. Mao kana ang daku ug unang sugo. Mateo 22:37-38. Dili ordinaryong makasasala, kon dili usa gayud ikaw ka dakong makasasala kay daku man nga sugo ang imong ginalapas.

Dili ka makalimod ug makapangulipas. Kon kita magaingon nga wala kita'y sala, kita ra ang nagapahisalaag sa atong kaugalingon ug wala kanato ang kamatuoran. 1 Juan 1:8. Kon kita magaingon nga wala kita makasala Siya atong gipakabakakon ug wala kanato ang iyang pulong. 1 Juan 1:10.

Kinahanglan kang Silotan-Kay ang suhol gikan sa sala mao ang kamatayon. Mga taga Roma 6:23. Apan alang sa mga talawan, ug sa mga dili matinoohon, ug sa mga malaw-ay, alang sa mga mamomono ug sa mga dios-dios, ug sa tanang mga bakakon, ang ilang bahin mao ang paghiadto sa linaw nga nagadilaab sa kalayo ug asupri, nga mao ang ikaduhang kamatayon. Pinadayag 21:8.

Dili ka makaluwas sa imong kaugalingon. Kay kami nga tanan nangahimo nga ingon sa usa nga mahugaw, ug ang tanan namo nga pagkamatarong ingon sa usa ka saput nga nahugawan ug kaming tanan mangalaya ingon sa usa ka dahon; ug ang among kasal-anan, sama sa hangin, nagapalid kanamo. Isaias 64:6.

2 Ang Dios nahigugma kanimo. Apan ang Dios nagapadayag sa iyang gugma alang kanato pinaagi niini, nga bisan sa mga makasasala pa kita, si Cristo nagpakamatay alang kanato. Taga Roma 5:8. Dili kay namatay lamang si Cristo kon dili nagpakamatay gayud siya aron lang siya silotan inay ikaw. Kay gihigugma gayud sa Dios ang kalibutan nga tungod niana gihatag niya ang iyang bugtong Anak, aron ang tanan nga mosalig Kaniya dili malaglag kon dili may kinabuhing dayon. Juan 3:16.

3 Buot ni Cristo makasulod sa imong kasingkasing. Tan-awa, magatindog ako sa pultahan ug nagatuktok; kon may magapatalinghug sa akong tingog ug moabli sa pultahan, kaniya mosulod ako ug makigsalo ako sa pagkaon uban kaniya, ug siya uban kanako. Pinadayag 3:20. Kon imong ablihan ang imong kasingkasing ug imong dawaton si Cristo nga imong Ginoo ug manluluwas: Mahimo Kang Anak sa Dios. Apan sa tanang midawat kaniya, sa tanang mitoo sa iyang ngalan, kanila naghatag siyag kagahum sa pagkahimong mga anak sa Dios. Juan 1:12.

Dili ka na Pagahukman sa Silot. Busa, sila nga anaa kang Cristo Jesus dili na karon mga hinukman sa silot. Mga Taga Roma 8:1.

Imong Mahibaw-an Nga Ikaw Luwas na. Kay tungod sa grasya kamo nangaluwat pinaagi sa pagtoo; ug kini dili sa inyong kaugalingong kahimoan, kini hatag sa

Dios -- dili tungod sa mga binuhatan aron walay bisan kinsa nga magapasigarbo. Mga Taga Efeso. 2:8-9.

May kasigurohan Ka Sa Imong Kalag. Ug ginahatagan ko silag kinabuhing dayon, ug sila dili gayud malaglag, ug walay bisan kinsa nga makaagaw kanila gikan sa akong kamot. Juan 10:27.

4 Kinahanglan, karon ang imong desisyon. Tan-awa karon mao na ang adlaw nga gikahimutan; Tan-awa, karon mao na ang adlaw sa kaluwasan. 2 Mga Taga Corinto 6:2. Higala kinahanglan imo siyang dawaton karon kay tingali unyag ulahi na ang tanan kon ugma pa ikaw molihok. Ayaw pagpagarbo sa imong kaugalingon mahitungod sa kaugmaon; kay ikaw wala mahibalo kon unsay madala sa usa ka adlaw. Mga Proberbio 27:1. Dawata Siya higala. Kon ikaw luwas na, sulati kami aron usab kami maka-ambit sa imong kalipay.

Kon ikaw nagkinahanglan ug dugang kasayuran mahitungod sa Pulong sa Dios, sulati kami sa among address:



FELLOWSHIP TRACT LEAGUE

P.O. BOX 164 • LEBANON, OH 45036

www.fellowshiptractleague.org © Tract 6100 (Cebuano)

All tracts free as the Lord provides. Not to be sold.